

Hugonis [a] de Teuderico, qui confusus fiducia turrium saepissime offenderat [b] Faventinis et Florentinis, atque omnes vicinos.

*De guerra maxima inter Petrum Traversariam et filios
comitis Guidonis Guerræ.*

CAP. CXLIX.

Anno Domini MCCXVI [c], cum guerra esset maxima occasione quarundam possessionum inter Petrum Traversariam et Rogerium filium comitis Guidonis Guerræ, quoniam ipse Petrus [d] bona tanti principis manuteneret [e], castrum in partibus illius [f] aedificare cepit [g], ei a se ipso nomen imponens; sicque dicitur usque ad præsens tempus castrum Rogerii. Castrum Carpeneti [h] tamdiu obsedit, donec de inimicis intus reclusis plenum habuit triumphum. Verum quia cum dictus Petrus [i] de Monte Roncazinis [j] ad pugnam defenderet [k], Rogerius tantis ab utroque latere ei insidias ponens, ipsum et triginta milites cepit, adiutorio domini Ubertini Guidonis Dusdei [l] de Ravenna. Exercitus comitum [m] post tantam revertitur victoriam, equos per agros vagantes capiendo, multis onerantur [n] armis aque aliis spoliis, comiti reddito castrum [o] Devatolæ.

De pace reformata inter præfatos inimicos.

CAP. CL.

Eodem anno reformata est pax et concordia inter præfatos inimicos, data sorore comitum [p] Paulo Traversario in uxorem.

[a] filii Hugonis, C. M.; Hugonis, deest in C. V. — [b] offenderat, C. M.; offendeat, C. V. — [c] Anno Domini MCCXVI. Sic C. M.; anno Domini MCCXV, C. V. Zucculus et Tondutius omittunt hoc caput; forte quia non potuerunt illius sensum assequi. Nam totum caput videtur in Cod. M. mendosum et corruptum, ut aegre sensus expiscari possit. Nos ad integritatem reddidimus, ea cura qua possumus, sine magna mutatione. — [d] ipse Petrus. Sic Codd. — [e] principis manuteneret. Sic C. V.; principis manuteneretur, C. M. Comes Guido Guerra præcedenti anno obierat. — [f] in partibus illius. Sic lego cum C. V.; in partibus illis, legit Cl. Mitt.; nam in Cod. M. est: in partibus illis. — [g] aedificare coepit. Sic corrigo. In Codd., aedificari coepit; subintellige: Rogerius. — [h] Castrum Carpeneti (nè altro aggiunge il Borsieri). — [i] dictus Petrus. Sic lego C. M. In C. V., dominus Petrus. — [j] monte Roncazinis. Sic legit Cl. Mitt. In C. V., monte Roncazitius. — [k] ad pugnam defenderet. Sic Codd. Anne potius legendum: ad pugnam descenderet? — [l] Guidonis Dusdei. Sic Codd. — [m] Exercitus comitum. Sic lego, vel comitis. In Codd., exercitu comitatum. — [n] multis onerantur. Sic Codd. — [o] reddito castrum. Sic corrigo; reddito castrum, Codd. — [p] sorore comitum. Sic Codd. Haec lectio probat superius, loco comitatum; legendum comitum esse; nempe filiorum Guidonis Guerræ.